

- 1 ambarki a-iga wanna mi iṣamḥ rbbi f-ddnub-ns,
issitti fllas ɣaylli-t-issḥššamn.
- 2 ambarki a-iga wanna mi ur-iḥasb rbbi lməṣyat-ns,
ula sul qaman irkan ɣ-uwl-ns.
- 3 lliɣ ur-ta-yak-qrraɣ tmda-gigi-kullu-tdwast,
ha-yyi ar-nddrɣ ass kullut.
- 4 ɣ-iyɔ ula azal izɣay-flla-ufus-nnk a-rbbi.
ɣmklili itsllaw-usɣar ɣ-ṣṣif iḥrran ad-sllawn iḥsan-inu.
- 5 d-ɣakudan a-yk-nniɣ mamnk ad-ffuɣɣ zɣ-wawal-nnk,
ur-sul-ḥɔiɣ maylli-yyi-issrkan.
iniɣ-ak a-rbbi «t^wgraz-iyi f-maylli skrɣ y^wḥšn.»
d-ɣakudan a-rbbi a-flla-tssittit tazayt n-ddnub-inu.
- 6 ɣ-tasəɣt n-taɣuft a-ɣ-a-yk-n-aqran winnk,
ur-ra-tn-tadjt a-tn-ilkm-unggay l-ləqubit.
- 7 kiyi a-igan antal-inu tḥɔut-iyi ɣ-tasəɣt n-tnukmut,
tsutlt-iyi s-imurign n-sslamt.

(yini-yyi rbbi:)

- 8 rad-ak-mlɣ aɣaras lli-k-id-iqqann,
iniɣ-ak ula mamnk a-gis-tftut.
- 9 a-ur-tgm imddila zund aɣmar d-usrdun,
ar-skarn s-ifaddn ma-ira siditsn,
s-ulgammu d-twuriyt a-s-a-gisn-ithkam.
- 10 ra-tigat-tɣuɔi i-willi rurnin tiɣurdin s-rbbi.
imma willi srs umnnin tayri-ns izgan ad-asn-ilullin.
- 11 frḥat s-rbbi tfrḥm s-ugg^war,
kunni da-iftan ɣ-uɣaras n-ufulki.
tallm awal-nnun tirirm i-rbbi,
kunni da-itṭafn ul iṣfan.